

重樓玉钥

清·郑梅涧 著

鲁兆麟 主校

谢路山 点校

辽宁科学技术出版社

· 沈阳 ·

中国医学名著 编校委员会

主任 鲁兆麟(北京中医药大学)教授 博士生导师
委员

北京中医药大学	王晓兰	王新佩	石学文	张宝春	张莉莎
	肖诗鹰	陈赞玉	图 娅	高春媛	黄作阵
	韩 平	彭建中	谢路山		

黑龙江中医药大学	张士英	湖北中医学院	傅沛藩
广州中医药大学	邱仕君	湖南中医学院	易法银
河北中医药大学	刘美文	浙江中医学院	倪世美
南京中医药大学	徐荣庆	甘肃中医学院	王道坤
山东中医药大学	张谨庸	天津中医学院	秦玉龙
辽宁中医学院	易同飞	四川中医学院	邓中甲
陕西中医学院	任春荣	长春中医学院	南 征
河南中医学院	袁占盈		

点校说明

《重楼玉钥》又名《喉科指南》，是一本中医喉科专著。作者郑梅涧是清代喉科名家，他不仅对喉科有深切的研究，且有丰富的临床经验，本书由于理论与实践密切结合，所以这一著作自问世以来一直指导着中医喉科的诊治，在我国喉科专著中很有地位。中医的喉科，除咽喉疾病外，也涉及牙病和耳病，因此中医喉科附有耳鼻科和口腔科的内容。

全书共分上下二卷。上卷首先明确咽、喉的解剖部位及生理上的重要性；次论喉科病患的诊断和预后，作为临床治疗的准则；再次所论的三十六种“喉风”，包括有咽、喉、口腔、中耳、乳突等急性感染，并分别详论以上各种疾病的症状和治疗。下卷专论喉科病患的针灸疗法。此外，本书还有二个突出特点，其一是上卷末附有“梅涧论症”一则，对白缠风（类似白喉）的治疗，有独到的理论和方法；其二是以针灸疗法配合应用于喉科疾患。因此本书是有关科的中西医师应备的重要参考书。

此次点校以清道光十九年己亥（1839年）苏城喜墨斋刻本为底本，以上海大成书局（1917年）石印本为校本，进行点校。限于水平，难免有许多不足或错误之处，望请同道读者提出宝贵意见，以便修订提高。

点校者
一九九四年六月

原 叙

古人有言，左手据天下之图，右手刺其喉，愚夫不为。何则天下虽大，未若吾身之可贵也。故天下有心性之书，人心之所以死生存亡者也，有医药之书，人身之所以死生存亡者也。故六经四子而下，莫贵于医药之书。夫神农致辨于上药、中药、下药，周《礼》垂训于五气、五色、五声，自古圣贤明哲之士，未有不留心于此者。今之所谓喉科，特大方中一事耳，然其生死决于数日，安危判于顷刻，关系最大。而世之业是科者，率学无根底，不得真传，株守寒凉，膠于偏见，有识者不许也。吾乡郑梅涧先生，性好岐黄家言，其先世得喉科秘授，故于此尤精，远近无不知之，救危起死，不可胜数。余常见有垂毙者，先生刺其颈，出血如墨，豁然大愈。其妙如此，而未尝受人丝粟之报，惟以利人为急，殆亦范文正、陆忠宣之意与欤。先生秘惜此书，又恐人乘危邀利，故未尝授人。余幸得阅一二，故喜而叙之。夫天下重器尊生者，不以身易，而是书之泽利济无穷，则其贵重宜何如也。

嘉庆乙亥春，余家居无事，日取医书玩味，适友人过访，出《重楼玉钥》示曰：此书无刻本，子录一帙存阅。因受而读之，恍然有悟。后凡遇喉症，惜未解针灸，仅按方投药，无不神验。乡党知有此书时，借抄写而流传未广，其中鲁鱼亥豕，指不胜屈，惟以意更订一二，余则阙如也。原序不系姓氏，谓作者为郑梅涧先生，亦不知何许人。然辨证施治，各具神妙，非怀济世之婆心者，孰能与于斯。今年夏，吾津时疫流行，患喉症者极多，而治不得法，往往受害。余闭户养病，未能遍告邻里，私哀歉然。因与弟辈谋将此书再录稿本，寄至吴门，托孙君朴齐校订，付之剞劂，则此后人人得所指南，患者即不延医，而对证检方，谅亦不致夭枉，余心庶稍慰矣。

道光十八年岁次戊戌仲秋上浣津门冯相葵识

人之一身百症皆可致危，独咽喉之症尤危之危者，不炊黍间毙可立俟，虽居近良医之门，旋发旋治，犹若恨晚，而林荒山僻之境，更可知已，余甚悯焉。余不知医，而遇古方之百试百效。为人人所传播者，手钞成帙，或刊附善书，或钐刷片纸以赠人。咽喉科一门流传者，当不下数十种，独《喉科经验秘传》，为程君瘦樵定本，业是科者大半宗之，金谓外此罕有其匹者，一日黄君竹亭自津门寓书于余，谓冯君石农、丹崖昆季秘藏《重楼玉钥》一书，为喉科指南，亟欲付梓，以公诸世，而近处妙良工，君客吴门久，当易物色，且君亦乐为之，常若不及，窃欲以此事浼君可乎。余闻之距跃三百，亟思睹是书，冀是书之速成，而广行于世也。促其寄余，不两月而书至，其间或针或药诸法赅备，足以补《经验秘传》所不及，洵喉科中之见所未见者。爰为之选工开雕慎校，譬以期无负良友之委任，而副良友济世之婆心也。竹亭向与余同客燕台，嗣而客吴，阖客由拳里，皆同几砚，无间臭味，盖恂恂然笃行君子也。丹崖与余亦曾晤于京邸，乐善不倦，见义必为，常隐跃于眉宇间。其兄石农则余所愿见未能者，然闻其作令山右也，有能吏声，有生佛颂，余固久信之，且即于与丹崖之同梓是书，而益信之也。书成索序于余，余不知医，又何敢论医之书，然其书则固百试百效，而当为人人所传播者也，余窃愿罄竹而印是书，使人人挟是书以防患于未然，微特林荒山僻之境，不能入市问药者，不啻家有一医，即居近医者之门，而既有此百试百效之书，亦较愈于踵其门而求试其万有一效之技矣，是即石农诸君梓是书之意也夫。

道光十九年岁次己亥花朝后一日桐乡孙学诗谨序于吴门之石泉古舍。

目 录

卷上	(1)	中指定同身寸图	(17)
咽喉说	(1)	行针分寸歌	(17)
喉科总论	(1)	四季针灸坐向歌	(17)
诸风秘论	(1)	四季人神所在禁忌针灸歌	(17)
阴阳论	(1)	逐日人神所在禁忌针灸歌	(17)
辨面色论	(2)	十干人神所在禁忌针灸歌	(17)
坏症须知	(2)	十二支人神所在禁忌针灸	(17)
论证	(2)	十二时人神所在禁忌针灸	(17)
附纂咽喉不治症	(2)	禁针穴歌	(18)
喉风三十六症名目	(2)	禁灸穴歌	(18)
秘诀	(8)	针灸诸则	(18)
喉风诸方	(8)	喉风诸症针刺要穴	(18)
症治汤头备录	(11)	制针法	(18)
附走马牙疳证	(12)	煮针药方	(18)
梅涧医语论喉间发白症	(13)	正面气针要穴图诀缺	(18)
又论喉间发白治法及所忌诸药	(13)	任脉穴	(18)
咽喉诸症禁忌	(14)	手太阴肺经穴	(19)
暂受风寒喉痛治法	(14)	手厥阴心包络经穴	(20)
卷下	(14)	手少阴心经穴	(20)
喉风针诀	(14)	足阳明胃经穴	(20)
附纂神应经用针咒法	(14)	足太阴脾经穴	(21)
论针形至微何能补泻	(14)	侧面气针要穴图缺	(21)
针法主治歌	(14)	背面气针要穴图缺	(22)
行针次第法十二歌	(15)	督脉穴	(22)
针略	(16)	手阳明大肠经穴	(23)
针禁忌法	(16)	手太阳小肠经穴	(23)
问针入几分留几呼	(16)	足少阳胆经穴	(24)
论泻要诀	(16)	足少阴肾经穴	(25)
论补要诀	(16)	足太阳膀胱经穴	(25)

重楼玉钥卷上

咽喉说

呼者因阳出，吸者随阴入。呼吸之间，肺经主之。喉咙以下言六脏，为手足之阴；咽门以下言六腑，为手足之阳。盖诸脏属阴，为里；诸腑属阳，为表。以脏者藏也，藏诸神流通也；腑者府库，主出纳水谷糟粕转输之谓也。自喉咙以下六脏，喉应天气乃肺之系也，以肺属金，乾为天，乾金也。故天气之道，其中空长，可以通气息。但喉咙与咽并行，其实两异，而人多惑之。盖喉咙为息道，咽中下水谷，其喉下接肺之气。一云喉中三窍者，非果喉中具三窍，则水窍与气各从一窍而俱下。肺中肺下无窍，何由传送水谷入于下焦？黄帝书云，肺为诸脏之华盖，藏真高之气于肺经也，故清阳出上窍，浊阴出下窍。若世人不知保元，风、寒、暑、湿、燥、火之六气，喜、怒、忧、思、悲、恐、惊之七情役冒非理，百病生焉。病疡既成，须寻所自。若喉痹、乳蛾、缠喉风、喉闭、喉疮、风毒、热毒等症，当刺者则刺，不可乱医，宜吐者则吐，不可妄治。须识其标本，辨其虚实，而攻守之，不失其法，临症变通，功效立见，其患自安。至于虚损、劳瘦、咳伤、咽痛者，此乃真阴亏竭，金木不能相生，而龙雷之火奔腾上灼，火炎则金伤，金伤高源无以蒸吻布洒，而咳血、声哑、咽痛、干紧之症作矣。吁如症至此，不惟非法可治，且百无一生，可胜言哉。

喉科总论

夫咽喉者，生于肺胃之上。咽者，咽也，主通利水谷，为胃之系，乃胃气之通道也，长一尺六寸，重六两。喉者，空虚，主气息出入呼吸，为肺之系，乃肺气之通道也，凡九节，长一尺六寸，重十二两。故咽喉虽并行，其实异用也。然人之一身，惟此最为关要，一气流布，通于六脏六腑呼吸之经。若脏腑充实，肺胃和平，则体安身泰。一有风邪、热毒蕴积于内，传在经络，结于三焦，气凝血滞，不得舒

畅，故令咽喉诸症种种而发。苟非见症随治，则风痰愈盛，热毒日深，渐至喉间紧闭，水泄不通，几何而不殒命耶。大抵风之为患，好攻上而致疾者，三十六症，内关咽喉为第一。

诸风秘论

有人云，喉风无非热症。便乱投凉剂，或误用刀针，枉人命者众矣。若识症真，先治而后调理，百发百中。有可吐者，有可下者，有可发散者，有可洗、可漱者，苟若识症未真，切勿孟浪。如双鹅、单鹅、重舌、木舌、重唇、双缠喉、单缠喉、爆骨搜牙诸症，乃是恶症，善候则易治。双松子、单松子、双燕口、单燕口、鱼鳞、斗底、帝中、落架、鱼口、穿颌诸症，此是善候，恶疾则难治。合架、角架、粟房、癰痈、掩颈、双搭颊、单搭颊、双单燕口、内外搜牙、乘枕、驴嘴、悬痰、鱼腮、咽疮、牙疳、义喉、边头痛、夺食、肥珠子诸风，此是善症善候。但要症候认真，随轻重治之，不可误投凉药。若用针刀，俱要逐一对症，先用药降定，然后下药调理。如此等症，务须依方进药，未可速于求安，则轻者一七，重者二七，自能取效。即信心诸药，仍须仔细详察，不可轻忽。大凡用药，自内攻出为上策，取痰攻上为中策，沉为下策。热重者，令去内热，用药取病归上，拦定风热，使其攻上不下，诚为善治者。不如是，则病入胃脘，因传于心肺中，辄变他症，是医之罪也，切宜当心详审慎，毋轻率焉。咽在后主食，喉在前主气，十二经中，惟足太阳主表，别下项，余经皆内循咽喉，尽得以病之，而统在君相二火。喉主天气属肺金，其变动为燥，燥则塞而闭；咽主地气属脾土，其变动为湿，湿则肿而胀，皆火郁上焦，致痰涎气血结聚于咽喉。肿达于外，麻痒且痛而紧，是为缠喉风。红肿于两旁兼闭塞，是为喉痹。

阴阳论

经云，痈从六腑生，疽从五脏出，皆阴阳相滞而成。气为阳，血为阴，血行脉中，气行脉外，相并周流。寒淫搏之则凝滞而行迟，为

不及；火热搏之，则沸腾而行速，为太过。气郁邪入血中，为阳滞于阴，血郁邪入气中，为阴滞于阳。致生诸症恶毒，然百病皆由此也。

凡头痛不止者，属外感，宜发散；乍痛乍止者，属内伤，当补虚。又有偏头痛者，非边头风当审之，左属风与血虚，右属痰热与气虚。

辨面色论

色青者，病属肝，合散血。色黄者，病属脾滞，宜消食。色赤者，病属心，合散血清火。色白者，病属肺，宜顺气。色黑者，病属肾虚，当滋补。以上所论五色，乃就诸风病症愈后而言，以识调理本经也。

坏症须知

喉内生风莫待迟，胸中气急主倾危，更加心肋如刀刺，妻子亲朋定别离，大小便中添秘结，病人魂魄去如飞，此是医家真妙诀，预将生死报君知。

病人眼直口开时，气出无收手散垂，若见此形宜速退，休贪名利自狐疑。

翻唇鱼口误针时，不日黄泉实可悲，此症亦名为恶症，卢医遇著也难医。

论证

凡属喉风之症，预先必作寒发热，甚则大便秘结，小便涩赤，头痛烦渴。时医不识，妄以羌活药味投之，不知羌活乃散寒邪达肌发表之品，非喉科所宜用。故是书所定紫正地黄散，专治一切诸风，无不神效，诚妙秘也。

附纂咽喉不治症

一凡虚阳上攻者，四肢厥冷，上下不升降，水火不既济，腰冷不知痛痒，口中痰多，唇黑者，不治。

一凡手足冷者，声音不响，喉中肿烂干痛无痰涎者，不治。

一凡妇人产前，咽喉肿痛，及心头疼，而脉浮者，不治。

一面赤而目睛上视者，不治。

一面色青白，眼目无神，咽痛音哑，唇白鼻扇者，不治。

一面黑，头自汗，而鼻塞者，不治。

一心胸紧满，吐痰不出者，勿治。

一气喘促，四肢厥冷，勿治。

一心中忙忡，胸前红甚，舌卷，面赤，浮肿，目斜视者，不治。

一潮热往来，时发谵语，不治。

一胸满胀急，不治。

以上皆属咽喉中险症，凡患喉风，遇有现此等症者，宜详察早回，以免后咎，医者慎诸。

喉风三十六症名目

斗底风、叉喉风、咽疮风、鱼鳞风、双松子、单松子、帝中风、双鹅风、单鹅风、双燕口、单燕口、重腭风、木舌风、重舌风、坐舌莲、合架风、角架风、爆搜牙、牙痛风、悬痰风、夺食风、鱼口风、驴嘴风、鱼腮风、双搭颊、单搭颊、落架风、栗房风、療癆风、穿颌风、肥株子、掩颈风、双缠风、单缠风、边头风、乘枕风

斗底风

欲识人间斗底风，十分红肿在心胸，更加痰壅咽喉内，针药无功命必终。

此症初起，吞咽不下，但胸前红肿，渐至结喉，一时难安。初起能咽水者，可治，先用角药加摩风膏少许，冷井水调噙，取痰。次开风路针，所谓风路针者，盖喉风都是风邪，按穴针刺，开其壅风之路，使之外出也。三吹冰硼散。四用紫地汤。如病势紧急，汤水不能下，遍身作痛，气喘眠卧不得，循屋下行，胸前赤肿，凡吐痰涎后仍不退者，百无一治。每初起胸前便现青筋，须用破皮针，即破针也，针青筋边，立效。

枢扶氏曰：是症宜用雄黄解毒丸服之，吹赤麟散。

叉喉风

叉喉之症最为殃，迟了三时命不长，病者能依方法治，管教依旧进茶汤。

男子妇人喉内生此疾者，极为急症，先咽喉作紧，风痰上涌，多有涎内紧外浮肿，不能饮食，渐至咽喉紧闭，如叉叉住。甚则头而浮大，其患最速，宜急治之，若一二日不知治者，多致殒命。先用冰硼散开窍，次用风路针，三用摩风膏少许，和角药调噙，取喉内痰涎，并用角药数颈外浮肿处，服紫正散加开关散。如病势已极，不能开关者，不治。

按此症既速，凡初起当用赤麟散吹之，其效更捷。

咽疮风

咽喉此症不为良，黄烂成疮作祸殃，依法频施无效处，必然长萝入黄梁。

初起生咽喉间，或红黄色如粟形者，日久满喉成疮，及满口生者，渐变紫黑不能吞咽。先用角药，次开风路针。服紫地散，以冰硼散吹之，即效。惟风热实症可治，若内伤咳嗽吐血后而发此症者，切不可用此等药，致枉人命也。


枢扶氏曰：按咽疮一症，虽曰真阴亏竭，相火薰灼上升咽喉发为咽疮，最为虚损恶症，然其间虚实阴阳亦当分别治之。凡属实症，由于风热者，必须发热恶寒，疮色红黄，右脉数有力，因病人平昔过食煎炙，蕴积于胸膈，今又新受风邪，感触而发，治宜以喉科诸药投之，自然获效。若虚症，形色白而干燥不润，内热口渴，饮食微，少疼，惟咽津液其痛更甚，此由真阴已亏，虚损所致。然内伤有二种，一属气亏为阳虚，一属血亏为阴虚。阳虚者，两寸浮数，遇劳益甚，而行动则气喘，此脾肺气虚，穷及肾水，须培补中土，庶无差误，今时医不识，以清凉利痰之剂治之，遂致喉间变生咽疮，顿成不治之症。若阴虚者，两尺洪数，重按无力现于外者，内热咳嗽，吐痰，衄血，或饮食日减，此肝肾阴虚，不能蓄养龙雷真火，盖阴虚则火旺，火旺则水竭，水竭则肾元枯涸，肾元枯涸则相火奔腾而浮上，斯喉痹咽疮，痰结烦燥，声哑之症作矣，俗曰火烧门是也。其时若以六味补水，真水不能骤生；以生脉保肺，而久炎之肺又非参麦能疗；以八味降火，而咽喉

之地难受桂附之性；以滋肾丸互治水火，而水火不能既济惟急用白露饮治之，使水火各安其位，得以浚其源而安其流，能导龙归海，使五行自有相生之象，然后再按脉察色，分别治之。或八味、六味或归脾、养荣诸方佐之，自然获奏神效，称为灵丹。然患者亦当早治，勿待病入膏肓，虽有神丹，亦无济也。

鱼鳞风

喉间忽尔患鱼鳞，多少医家不识真，此症若求痊愈易，只须针药贵于频。

此症生在帝中之下，与松子风相似，但微肿处起白点，日久白点变成鳞，其鳞向下者是。用冰硼散，赤麟散，开风路针，服紫地汤，以角药加摩风膏调噙，不可用刀。此症极险难治，治与双松子同。初起未成鳞易治，若已成鳞，则饮食到喉俱作呕恶，乃属不治，或内伤咳嗽而发斯症者，万无一治。如大便秘结不通，汤中须加犀角，木通，元明粉，以角药，冰硼散，赤麟散，相间吹噙勿断，用鹅毛多挑角药入帝中旁，含少顷，再绞取痰涎吐出，自然获效。



双松子风

松子风生喉膈中，逐时胀大起鳞红，莫言此症多遭险，随即疗施亦见功。

此症生靠帝中下边，初起两边红紫如粟形大，逐时肿胀，起鳞向上者是，渐长如绿豆大，似松子一样，甚至黄皮裹住，及有莲子大者，斯难治矣。先开风路针，服紫地汤，加银锁匙开关散，用角药加摩风膏调噙，吹冰硼散，治与鱼鳞风同。二三日若转红为黄，就怕起鳞，须以角药频噙勿离。依法治之，亦不可用刀，此症与鱼鳞风皆属险症，勿得轻视也。

单松子风

单名松子一边生，左属心兮右肺金，针药

交施依法治，自然奇效立消平。

此症生在帝中下，一边肿者是，或生左，或生右，亦不可用刀治法，与双松子同。惟生左者，汤中倍加丹皮、赤芍，右者倍用桔梗、连翘。

帝中风

时人忽患帝中风，角药频喷自见功，若遇庸工无识辈，针刀误用命随终。

初起红肿作痛，生痰不能饮食，日久渐长大出来，甚有长出寸许，拦腰烂去半截，或帝中全行烂去者，虽一时难治，仍为无害，只依法治之，亦见奇效。若初起，先以角药取痰，开风路针，吹冰硼散，服紫地汤，不可用刀。如日久帝中黑烂者，回生丹不宜用，当以真功丹去牙硝吹之，或口疳散、圣功丹皆可互用，至于水剂，又当以紫地加减出入投治，不可执拘呆方也。

双鹅风

乳鹅红肿在喉间，病者求痊亦不难，角药频施兼服剂，自然取效莫愁烦。

凡咽喉间红肿似疔毒两枚，而生在两边者，是为双鹅。切勿误用刀，先以摩风膏少许，入角药，并水调喷；又以鹅翎挑入喉间疔毒上，令病人闭目喷良久，俟满口痰来吐出，再吹赤麟散，服紫地汤，自然立效。如日久疔毒未平，仍似莲子样，须用消芦散，加巴豆七个去壳熏患处，如熏破后只可用吕雪丹。

枢扶氏曰：喉间诸症惟患双单鹅甚多，症候虽轻易治，却难速于平消，迩来庸医不识，欲求速效，每妄用针刀，反致枉人命者，亦复不少。今附参而订之，俾后世治者，庶不致有误苍生耳，盖此症由肺经积热，受风邪凝结感时而发，致生咽喉之旁，状如蚕蛾，亦有形若枣栗者，红肿疼痛，不能吞咽。然形有双有单，双者轻，单者重。凡初起，先用三棱针刺少商、少冲，留三呼吸，入一分，吹赤麟散，以角药调喷，仍服前药，缓缓取效。凡针法以男左女右，若要速效，以捷妙丹吹入鼻中即消。然初起神

效，若日久者，不外消芦散。

单鹅风

左畔虚阳热上攻，乳蛾单重喉旁风，关前易治疗须急，关后生兮施不同。

此症生在帝中之旁，如莲子样，左属心，右属肺，治法与双蛾同，亦不可用刀。

枢扶氏曰：此症有部位之分，有虚实、风热、气色之别，凡生于帝中两边者是双单蛾，属关前实症，为易治。若起于咽喉内者，名喉瘤，属关后气郁虚症，却难治。时医不识，概以鹅症治之，安能获效。然喉瘤，由肝肺二经胡热，更兼多语损气性躁而成，形如圆眼，红丝相裹，或双或单，生于喉内之旁。亦有顶大蒂小者，初起喉间微痛，不恶寒发热，日久形色带白面微硬，不犯不痛。或因醇酒炙煿，或因怒气喊叫，犯之则痛切。忌用针刀，吹以消瘤碧玉散，宜服加味逍遥散，益气清金汤。或用夏枯草同郁金煎汤代茶服之，日久自然消退。若体虚，因忧郁不舒而发是疾者，宜用归脾汤，加柴胡、丹皮、山梔，至于出入加减之法，又当神而明之可也。

双燕口风

燕口生在帝中旁，欲当饮食不能食，针刀善施无差误，功效旋收亦不难。

此症生在帝中两边，靠于上腭，左右俱有，皆红肿不能吞咽，甚至肿出舌上来，连舌亦痛。用刀之法，宜靠肿处将刀轻轻刺破，切不可深。若上腭中间及燕口形上，切勿将刀误用，先以角药取痰，次开风路针，吹回生丹，服紫地汤。

枢扶氏曰：此症初起只须吹赤麟散，胜用角药针刀多多矣，内仍服紫地汤加开关散，火甚，量加石膏，此余屡经收效者也。

单燕口风

单名燕口一边生，治法同前不用更，慎使针刀毋误及，赤麟吹上立奇功。

是症，或生左，或生右，亦有肿上舌来，不能饮食者，甚则将帝中挤往一边了。治法与双

燕口同。

重腭风

口内生来上腭浮，心脾有热积成愁，倘然七窍流脓血，纵遇卢医未必瘳。

此症生在上腭，靠帝中之上位，红肿不能吞咽，症虽重却可治，以角药调嘴，内消为贵。如不得消，直肿到牙床边者，可用破皮刀轻切出血。若上腭中间乃七孔相连之处，万勿误用刀，宜吹冰硼散，服紫地汤，开风路针。如口耳鼻中有一处出脓血者，即是病延日久，热毒蕴蓄，以致腐穿七窍，此诚不治之症。

枢扶氏曰：重腭者，皆由心脾二经积热而成。倘病日久，前药治之不效，宜用紫雪散治之，服黄连解毒汤，即效。

木舌风

口中舌表肿兼红，热积心脾发是风，丹散频投依法治，管教立刻见奇功。

初起舌头红肿不能转动，渐至饮食不能迎送，言语不便，可用破皮刀于舌下弦两边无筋处刺之，筋上不可刺，刺伤立死。先用角药加摩风膏少许，吹冰硼散，服紫地汤，自效。

重舌风

重舌风兮亦不祥，或生左右或中央，专家有诀通元妙，善使针刀割不妨。

凡舌下又生一舌，渐比正舌尤长，以致正舌不能转动，用角药取痰，吹冰硼散，服紫地汤，可用破皮刀，须按舌旁边下弦，先破一边，如不效，再破一边。

枢扶氏曰：此症无论大人小儿，皆由心脾蕴热，循经上冲舌本，遂令舌下血脉胀起如小舌状，故名重舌。用刀之法，先将角药加摩风膏，嚼久吐出，再将肿患刺破，即吹回生丹，或紫雪散，并获效。

坐舌莲花风

舌坐莲花六七尖，心家风火搏相炎，莫将斯症寻常看，日久缠绵最可嫌。

舌下浮肿多痰涎，初生一二瓣，渐至五六瓣，形似莲花。几两边尖瓣者，可用刀，若中间一瓣尖者，切不可用刀，尽人舌下中间俱有一筋，直连上下，乃心之苗，所以切不可用刀者，恐误伤筋，则枉人命匪浅也。先用角药调敷舌下取痰涎，再将冰硼散挑上，服紫地散，重加连翘。症甚者，外用气针，自然取效。

枢扶氏曰：莲花证乃蕴热乘风而发于心。舌本属心，又为心之苗，心火上炎，或思虑太过，或酒后当风受寒，以致风痰相搏，而成是症也。

合架风

合架风生齿尽头，牙关紧闭病难休，若还不识针刀法，患者如何得便瘳。

此症生在上下牙床两根头勾合之处，起一红核肿痛，牙关紧闭，不能开口。先用角药调嘴，次用破皮刀切红肿处，吹冰硼散、赤麟散，可用消芦散熏之。

角架风

风名角架不为嘉，肿痛须知药可加，昧却个中真妙诀，任他肘后秘方夸。

是症生上下牙床尽处，根上浮肿，以致闭口不便，两齿难合，咀嚼艰难，初起生在一边，或延生两边者，治法同合架风，可用破皮刀切肿处，即效。

爆骨搜牙风

爆骨搜牙疾势骄，声声痛楚费推敲，金针已度依方法，功效随收必莫焦。

牙匡之上逐齿红肿，骨中极痛不可忍者名为爆骨搜牙。若通牙床上红肿，或在外牙床肿者，或在内牙床红肿，口内作烧生痰，名搜牙风。若有面红肿者，恐成栗房风症，部位虽分内外，法宜同治。先用角药调嘴，吹冰硼散，服紫地汤，次以针挑牙缝中有红紫血管者，即要挑断出血。若爆骨搜牙，每齿肿处俱要用破皮针，针出血即效。如症在牙床内者，必须肿起牙上，方可用刀。

牙痛风

牙匡生疔是牙痛，上下生兮总共同，但用破皮针出血，更加角药有奇功。

凡牙匡生疔毒，或满匡红肿，或一处红肿，先用冰硼散以角药调噙，服紫地汤。凡牙痛、搜牙两症，以牙床高低界为辨，在牙床上高处为搜牙，在牙床下低处为牙痛。此症亦有内外生者，皆可用破皮针，针去脓血自效。

枢扶氏曰：此症由阳明胃热毒所致，初起身发寒热，腮颊浮肿红痛者，当以前法治之。若初起，往往有误认牙疼等症，过服寒凉清火之剂，以致坚肿色淡，自破流黄水，日久烂至牙根，及延烂咽喉，名曰骨槽风，又名附骨，一名穿珠，法当用二陈汤加阳和丸煎服，或阳和汤消之。倘过溃者以阳和汤、犀黄丸，每日早晚轮服。倘有多骨，以推车散吹入，隔一夜其骨不痛，自行刺出，须俟骨尖退出，摇则内动，方可渐次取下，再吹，次日无骨退出，即以生肌散吹入，内服保元汤加肉桂、归芎，芪草宜生，自然获效收功，而愈矣。

凡骨槽风者，初起牙骨及腮内疼痛，不肿不红，惟肿连脸骨者，是骨槽风也。然齿症不一，有齿虫者，是虫蚀齿至断，由胃经瘀湿，风火凝聚而成，齿根胀痛腐烂时出脓血臭汁也。有齿齲者亦以阳明入风热之邪，搏齿断气血，腐烂为脓血臭汁，谓之齿齲，音非，亦云风齲。有齿历虫者，由骨髓气不能荣盛，故令齿黑黯谓之历齿。皆由阳明之所致，而治法各异，俱详注续集焉。

悬痃风

牙床浮肿号悬痃，外症能疗内症危，烂及咽间妨饮食，蓬莱妙药亦难施。

凡牙匡下浮肿为外悬痃，起生牙根内为里悬痃。红肿如蜒蚰样，渐次而长，先用角药调噙，吹冰硼散，服紫地汤。初起可用破皮针，日外不宜针。刺红肿处出血效，若白烂者不可用针。凡外悬痃属善症，易治，生于内属恶症，却难治，稍医差迟，即能伤人。若白烂延至咽喉，

及落尽面颊肉者，不治。

夺食风即呛食风

呛食还将夺食名，舌根喉腭陡然成，休惊是疾无方法，善使针刀泡立平。

此症或因饮食火物，触动肺胃积热，致陡起斯症，或在喉头上腭，及舌根左右生一血泡，或数小泡，即变大胀满不能吞咽，气息不能出入，急以竹针挑破，咯出紫血，即吹赤麟散，或回生丹。其泡若起喉内，不能用针刀挑破，只须气针，针百会、前顶、后顶三穴，内泡自平。

鱼口风

鱼口生来一片浮，心家有热夜啾啾，上冲痰气医当急，莫待深沉始怨尤。

凡上唇生小疮，或一二枚者，初起红肿渐至下唇，亦肿及面颊俱浮，若初起红赤发热作痒，痒后起小黄泡，切勿用破皮针。如生在上唇中间者，难治。若上唇赤肿直出者，名龙唇发，可针两鼻角。又一症，上唇生小白红疮干燥，常欲以舌舐唇上，亦不可针。又一症，唇上直痛入骨，连颊俱痛，不可忍，可针鼻角。又一症，不浮肿，只口眼歪斜，转过一边，名转歪风，此症宜针合谷、颊车二穴。以上诸症，先以角药调敷，吹吕雪丹，服紫地汤，加犀角。大凡唇皮生疮，初起者，不可以针妄挑破，若误针之，身必潮热，满身骨节疼痛不治。如用针刀，必须依法律，切勿妄任己意施为，至要至要。

驴嘴风

驴嘴风生在下唇，逐时肿大不堪论，更加作痛如刀刺，敷药频施效自神。

初起下唇生一红疮，逐时肿大，渐至下唇长出，用消芦散熏，服紫地汤，吹冰硼散，可用破皮针，针破即效。针法须认两旁肿处针之。

鱼腮风

鱼腮疾染在腮颌，肿痛难当只自知，传诀与君依法治，免教迟慢势难支。

是症生在酒腋边，两腮浮赤红肿，为双鱼腮，一边红肿者，为单鱼腮。治法以角药调敷，或用消芦散熏，服紫地汤，噙冰硼散。如逐日红肿极盛，方可用破皮针针出血，仍以角药外敷。倘症日久腮穿出脓者，须内服蜡矾丸，外敷生肌散。

双搭颊风

风名搭颊两边浮，赤肿难当筋似抽，若遇此风非易治，值时敷刺莫移游。

初起面颊两边红肿，发热恶寒，须看口内牙上有肿无肿，如牙匡肿者，不是搭颊，乃是牙风，即以牙风法治之，若属搭颊，先用角药外敷，服紫地汤，重加连翘、桔梗、牛蒡子；如肿仍不消，宜用破皮针出血，不可针挑深，外仍不离敷药，加摩风膏少许。

单搭颊风

一边红赤颊名单，证治如双母用参，日久肿浮牙亦肿，外敷角药内噙丹。

面颊一边浮赤肿痛，或日久致牙匡亦肿痛，须以角药外敷内噙，吹回生丹，服紫地汤。

落架风

落架风兮信不良，总因血气暗中伤，搭勾合上方无事，不合匡时费酌量。

此症或因酒后，或偶大笑，或大呵欠，致脱落下颌，不得合架，口大开而不能咀嚼，虽属上热下虚，实由气血有亏，以致牙龈弛而不收，若起于一二日者，可治，日久则其筋已纵，恐难安合矣。治用上兜之法，先将下颌轻轻托上，用绸手巾兜住，然后以手揣其搭勾之处，令其勾合，再用老姜一片，置颊车左右穴上，以艾丸置姜上，用香点灸一再，即可断根。

枢扶氏曰：此症由内伤所致，宜灸不宜针，当服归脾汤加熟地；气血虚者，或当归补血汤主之。切勿以喉风诸药妄投，致误人匪浅也。

粟房风

粟米疮形满面淫，或成大泡痛难禁，施针

用药依真法，病者舒眉患不侵。

初起发热满面红肿，先如粟米黄疮，日久合成大泡，先用荆芥、葱白煎角药频洗，再以角药用荆芥煎水调敷泡上，服紫地汤。凡初起不可针破，俟合成大泡，以针口向下挑出脓血，自效。

瘰癧风

瘰癧风生似核形，又如疔毒一般称，莫疑此症由冤债，妙药能除夙孽平。

是症自面生起，红肿如小疔毒，渐至满头俱浮肿生核，可用破皮针逐个针出微血，敷以角药，服紫地汤效。

穿颌风

病生穿颌不为祥，幸赖仙传有秘方，角药频敷汤紫地，徐徐图治莫惊惶。

两腮下红肿生核，或在一边，初生一二枚者，易治，日久生多透入口内而自穿者，多至不治。以角药敷，服紫地汤，可针。俟肿甚，用针针刺肿头出血，仍敷前药。

肥株子风

肥株斯疾耳弦生，肿痛方知病不情紫正开关兼急进，频加敷药立时轻。

两耳坠上浮肿如核，或一边生者，外敷角药，服紫地汤，加开关散，可用针，针核上即效。

掩颈风

左右俄生掩颈风，分明赤肿似成瘤，时入莫作寻常看，紫地辛乌有化工。

颈项上浮肿生痛，或左右，或一边，或浮肿，上头敷角药，服紫地汤，若浮大赤肿甚者，可以针肿处。

双缠风

缠喉之症本非奇，日久无声气道危，若见此形宜速退，仓公遇了亦愁眉。

初起外颈红肿至咽喉。亦皆满塞，不分红

白，渐四围俱肿。先以辛乌散，加摩风膏内噙外敷，吹赤麟散，回生丹，服紫地汤，加开关散。若颈项遍肿及头亦肿者，属极重症，却可治，须开风路针。如症日久难治，切勿用破皮针刀。

枢扶氏曰：此症由膏粱厚味太过，致肺胃积热，复受风邪，上壅咽喉，红肿紧痛，声音难出，汤水不下，而痰涎壅塞之声颇以拽锯，初发暴速，宜急针少商穴，以泻其热。痰盛者，角药调噙，症重者，宜服雄黄解毒丸。若面青唇黑，鼻流冷涕者，皆属逆症。又有因肾经有热内枯不能上润，致令心火盛而发是症者，内紧外肿，潮热恶寒，乃属实症，法宜前治。若体虚因思虑太过，兼过食五辛而生似此症者，其发缓，其色淡，其肿微，咽喉干燥，舌见白苔，大便自利，六脉微浮，重按无力，吞咽疼痛，名曰慢喉风，乃属虚症，法当从治。若午前痛者，宜补中益气汤加麦冬、元参、桔梗服之；午后痛者，或作渴身热足冷，此阴阳两虚也，忌用苦寒，宜少阴甘桔汤，以宣达之；若面赤咽干不渴，而微寒痛者，其脉必虚大，当以清露饮服之，兼用青雪丹吹之，自然获验。

单缠风

一边浮肿胀单，或起头心或颈间，治法详前须辨识，针开风路自缓安。

初起一边红肿作痛，左属心，右属肺，或肿头项，或肿颈上，治同双缠风。

边头风

半边头痛苦无休，病者何须两泪流，风药不灵宜补剂，管教肿痛去靡忧。

此症一边头痛如破，或左右红肿如核，须针风池二穴，服紫地散，加开关散。惟下元虚者，多致此疾，宜投补剂，以四物汤加白芷服之。虚症不可刺。

枢扶氏曰：凡头痛如破，前药罔效者，以当归五钱，木通二钱，酒煎服下，即愈。

乘枕风

乘枕风今本不奇，若成枕发却难医，只须急急调敷药，紫地开关服勿离。

是症脑后生疔毒，红浮肿痛，可用破皮针，服紫地汤，合开关散，取效如神。

附：耳防风

耳内红浮痛倍常，或脓或血不安康，少年若是沾斯疾，定主他年重患殃。

此症耳内肿痛，或耳外亦红肿，及头亦痛，或耳内出脓血，若肿痛甚者，至口齿紧闭不能开，小便赤短，宜用紫地汤，加龙胆草、木通，外敷角药，吹入五行丹，即效。

枢扶氏曰：以上三十六症，妙以一方统治之，无不神验。故宜其秘也，后之学者，务须辨症详审，毋致虚实有差，庶不稍误于万一耳。

秘诀

喉风诸症初起，必作寒发热，头痛，大便秘结，小便赤涩，以紫正散、地黄散合服，勿离其药，乃气血并治，能理气散血，逐风痰，不使邪热壅塞。痰涎甚者，用角药调井水噙口取之，使痰涎外涌，不停蓄于肺胃，兼吹回生丹，亦拔热邪外出也。凡患喉症，而误服凉药，致胸膈如隆不安者，以井水调角药噙之，心烦即止，科内所定方药总在拦定风热在上不下，然后随症治之，自获效神速。如修合诸药，勿宜见火，皆生用之。吹药务研极细，临用合愈妙。水剂宜蒸，不宜煎。以上皆口诀之秘，须究必焉。

喉风诸方

紫正散

紫荆皮二钱、荆芥穗八分、北防风八分、北细辛四分去茆

地黄散一名内消散

小生地二钱、京赤芍八分、苏薄荷六分、牡丹

皮八分、牙桔梗八分、生甘草六分、净茜草又名地苏木一钱。

上引加灯心二十节，红内消一钱，即茜草藤，五月五日采取阴干。

以上紫地二散，每症合用，勿离，用开水泡药蒸服。

孕妇，去丹皮加四物汤；热盛者，加连翘、犀角；头痛闭塞，加开关散；烦渴，加银钥匙；潮热者，加柴胡、黄芩；咳嗽，加麦冬、知母；大便秘结，小便赤涩者，加木通；数日不大便者，加元明粉；热壅肺闭，致气喘促者，加麻黄五分，先滚去沫，再入药内同蒸；痰稠，加贝母；阴虚者，合四物汤。

开关散 能清诸风、止头目痛。

抚川芎一钱、杭白芷八分。

银钥匙 能止烦渴、退日烧。

天花粉八分、元参一钱

四物汤

生地三钱、当归二钱、川芎八分、白芍八分酒炒
镇惊丸一名**四神散**凡喉症已平，兼服此丸。

山药四两、桔梗二两、梔炭一两、甘草一两。上气者加广陈皮一两

上为细末，米糊为丸，如莲子大，朱砂为衣。每服一丸，薄荷灯心汤化下。

辛乌散一名**角药**

赤芍稍一两、草乌一两 桔梗五钱、荆芥穗五钱、甘草五钱、柴胡三钱、赤小豆六钱、连翘五钱、细辛五钱、紫荆皮一两、皂角五钱、小生地五钱。

上诸药味不宜见火，置日中晒燥，其为细末，收入磁瓶勿令走气。临用以冷^①水调噙口内，取风痰如神。若痰涎极盛，加摩风膏浓汁四五匙，其力愈速。凡颈项及口外红肿，即以角药敷之，亦可用角药作洗药，以荆芥同煎水，频频洗之，洗后仍调角药敷上。若悬痈风，加南星末少许。

摩风膏

川乌尖即大川附子之尖，每用尖一个，以乳钵底农磨

汁入角药。灯心灰五分。

回生丹即**冰硼散** 治一切喉证，有奇功。

大梅片六厘、麝香四厘、硼砂一钱、提牙硝三分，用萝卜同煮透，再据入清水内，露一夜，沉结成马牙者佳。

共研极细末，以洁净为妙，入磁瓶封固。临用挑少许吹患处。开关后次日，并体虚头晕者，即宜去麝香，名品雪丹。毒肿渐平，并用刀破后者，再去牙硝，麝硝双去者，名吕雪丹加青黛，名青雪丹。

真功丹 凡孕妇患喉症者，宜用此。

大冰片一分、真熊胆一钱阴干，临用乳细末，芦甘石一钱用羌活煎汤，煨七次，飞去脚，晒干用。硼砂一钱、牙硝二分。

共乳极细末吹患处。毒肿渐平，去硝。刀破后，须用吕雪丹。

消芦散 此方因患者畏刀，以此熏破，难易见效，不能速于收功。

茜草一两、金毛狗脊五钱、唐蜜根一两即紫荆皮根、芦根二两 去皮

上用米醋同药贮小罐内，以厚纸封口极固，放水中煮好，口上开一小孔如箸头大，对肿处熏，若一时未破，加巴豆七粒，去壳同入煮，再熏神妙。若破后，不能速于收功，吹生肌散。

万益丹 凡刀误用，致血流不止，以此吹上血即止。

滴乳香一两，去尽油、没药一两 去尽油、真血竭一两、明硼砂一两。

研极细末。每用少许，吹入刀患处效。

生肌散

赤石脂一两（水飞数次再用）、乳香一两 去尽油、没药三钱 去尽油、轻粉二钱五分、硼砂二钱五分、龙骨一两火煨红淬入米醋内水飞、孩儿茶二钱五分、大梅片三分。

研极细末。每于患处，略用少许。

凡病愈之后，以六味地黄汤去山萸，加麦冬、沙参调之。

枢扶氏曰：以上皆原书秘方也，今广搜诸

^① 冷：原作“令”。

名家奇方于后，以补是科之不足焉。

消瘤碧玉散 专治喉瘤郁热之症。

硼砂三钱、冰片三分、胆矾三分

共研极细末。用时以筋头蘸药，点患处，自效。

紫雪散 治一切咽喉肿痛，及重舌、重膈、舌疔等症。

犀角尖一两、石膏一两、升麻八钱、羚羊角一两、元参二两、甘草八钱、寒水石一两、沉香五钱，剉末、木香五钱。

用水五碗，煎药至约剩一盏，将渣用绢滤去，再将汤煎滚，投提净朴硝三两六钱，文火慢煎，俟水气将尽欲凝结之时，倾入洁净碗内，加下朱砂三钱，大梅片一钱，金箔一百张，各预研细和匀，将药碗安入冷水盆中，候冷，凝如雪，俟干，再研细，收固。凡大人每用一钱，小儿二分，十岁者，五分，徐徐咽之，即效。或用灯心汤化服亦可。若咽喉肿痛等症，吹之亦效。

蜡矾丸 治喉风穿腮出脓者。

黄蜡两、枯矾五钱、乳香一钱五分去尽油、没药一钱五分去尽油。

后三味共为细末，即用黄蜡为丸。每服二钱开水送下。

捷妙丹 治双单蛾风神方。

牙皂角一两切碎，丝瓜子一两二钱。

二味，用新瓦文火炙干，为细末，加冰片少许收固。每吹入鼻中，打喷嚏二次即消。在左吹右，在右吹左，双蛾者，左右并吹。

严氏赤麟散 治一切喉痹、缠喉、双单蛾、叉喉恶证。吹之立吐痰涎，即时获效，可代针刀，真神丹也。只喉痹、咽疮虚症勿用。

真血竭五钱，巴豆七粒，去壳，明矾一两

上三味打碎，同入新砂锅，炼至矾枯为度，每两加大梅片三分，硼砂二钱，共研极细，收固。用时以冷茶漱口，吹患处，立效。枢扶氏曰：此环山方岫云山人家藏秘方也，治喉风诸症，实有奇功，余经验屡屡，其效不可胜言。

雄黄解毒丸 治一切急喉痹极危症。

明雄黄一两，川郁金一两，巴豆十四粒去壳并去尽油

共研细，醋煮面糊为丸，如绿豆大。每服七丸，清茶送下，吐去痰涎立效。如至死者，心头犹热，灌药不下，即以铁匙挖开口灌之，若得下咽，无有不活。如小儿惊热，痰涎壅塞，或二丸三丸，量大小加减服之，亦神效。

万应丹 治一切咽喉口舌肿闭，并穿腮腐臭延烂等症，其验甚速，真神方也。

建青黛水飞，去渣，晒干五钱，鸡肫皮烧炙干一钱，牛胆硝三钱，山梔仁拣净仁炒黑，碾细末三钱，黄连末三钱，生黄芩三钱，真熊胆一钱，人中白取经霜雪，多年者，火煨三次五钱，大红绒灰一钱，西牛黄一钱，雄黄一钱，青梅干煨存性，五钱临时加才妙硼砂三钱，枯矾二钱，儿茶三钱，铜青二钱，珍珠一分

以上各研极细末，和匀，加真麝香五分，大梅片七分，再研如匀，入磁罐内，以乌金纸塞紧口。每用少许，吹患处日夜徐徐吹之，流出痰涎渐愈。如有腐臭，急用蚌水洗净，或用猪牙草、匾柏子和捣，加水去渣洗净，再以前药去青梅干，加滴乳香去油二钱，吹用。

制青梅法 大青梅一斤^①去核，略捣碎，入白矾、食盐各五钱，拌和再加蜒蛭，不拘多少，层层间之，一日夜取梅晒干，收尽汁再晒干，煨灰存性，临用加入。

制胆硝法 冬月约入朴硝在黑牛胆内，挂在风前一百二十日，去皮用硝，此乃第一应验神方也。

青冰散 专治喉闭、双单蛾，有奇功。

胆矾二钱，硼砂二钱

共研末，取青鱼胆一个，将药末入胆内，阴干去皮，再研极细，加冰片二分，收固。每遇喉闭，双单蛾等症，以男左女右，吹入鼻中，自效。

火刺仙方 治一切喉痹，缠喉，胀满，气塞不通，命在顷刻者，急备用之。

法用巴豆油涂纸上，捻作条条子，火上点着，烟起即吹灭，令病人张口，急刺于喉间，俄

① 斤：原作“觔”，据上海大成书局石印本改。

然吐出紫血，即时气宽能言，及啖粥饮，再用药随治之，便立愈矣。夫咽喉诸疾，发于六腑者，如引手可控及刺破，或前诸方治之，即效。若发于五脏者，则受毒牢深，而手法药力难到，惟用油纸燃刺，乃为第一也。盖热则宣通，故以火治之，火气热处，使巴油皆到，又以火散结，以巴泻热邪，以烟吐出痰涎，此一举三善之捷法也。

碧雪散 治咽喉闭塞，痰涎壅盛。

灯心灰二钱，硼砂一钱

右为细末。每用少许，吹入喉中，即吐出痰涎，自效。

碧玉丹 治喉风急闭等症。

胆矾三钱，白僵蚕六钱炒去丝，嘴拣直者佳

右为细末，加麝香一分。每用少许，吹喉中立验。

绛雪丹 ① 治咽喉肿痛，咽物妨碍，及喉痹，口舌生疮等症。

寒水石二钱，蓬砂一钱，辰砂三钱，大梅片三分，孩儿茶二钱

为极细末。每用一字，掺于舌上，津液咽之。或吹患处，真妙方也。

金锁匙 治喉闭，缠喉风，痰涎壅塞，口禁不开，汤水难下等症。

焰硝一两五钱，硼砂五钱，片脑三分，雄黄二钱，白僵蚕一钱

各另研细末，再和匀收固。每吹少许，入患处痰涎即出。

推车散 专治牙痛，骨槽风，生多骨者，吹入神效。

取推车虫即蝼蛄，炙研极细末。每一钱加入干姜末五分，同乳细收固。每用少许，吹入患处孔内。若孔内有骨，次日不痛，而骨自出。凡吹过周时，而无骨出者，则知内无多骨也。

刻欢丹又名过街笑专治风火虫牙疼痛，无不神效。

蟾酥一钱，陈酒化透，五灵脂一钱，麝香八分

共研极细末，和捣为丸，以二百粒为则，即用新零绢包，以丝线扎固，再藏磁瓶内。每取一粒，咬嚼于痛牙缝中，俟丸化，即痊愈。

灵丹专治一切牙痛，无不立验，此不易得之方也。


防风、北细辛、黄芩、石膏、元参、羌活、荆芥、小生地、连翘、黄柏、甘草、白芷、白菊花、梔仁、川芎、百部、薄荷以上各二钱五分，真黄连三钱

上药，共为粗末，置大铜锅内，外用甘草五钱，煎水一大碗，将药拌匀，再取潮脑三两，研碎分作五七次，用酒药上，再以大碗盖住药上，又用石膏和灰面盐水调匀，密糊碗口不可泄气，煮长香一炷方可起下，将上升在碗的灵丹，用竹刀刮下，仍将渣用甘草水拌匀，复酒潮脑于上，如此升取五七次，候药性升尽为度，再以磁瓶收固。凡牙疼擦上，立止如神。

症治汤头备录

秘授甘露饮治真阴亏竭，火炎灼肺，虚损失血，内热发为咽疮、喉痹等症。

取童便半酒坛，要坛口大者，先用铁丝做四股络子，悬饭碗一个于坛内，约离童便三寸许，再用铅打成帽笠式倒置坛口上，四周用盐泥封固，外加皮纸数层，糊密勿令泄气，再用砖搭成炉式，将坛放上，用桑柴文武火炼烧一炷香，去火候温，再将铅笠轻轻取起，勿令泥灰落下，则坛中所悬碗内，自有清香童便露一碗，取出另倾茶碗内，与病者服下，每日早晚共服二钟，自有神效。取童便须择无病无疮疖者，五六人，每早烹好松萝茶一大壶，令各童饮下，俟便出时去头去尾不用，取中间者，以坛盛之。此环山方子岫云秘传之仙方也，识者珍之。



清露饮治咽干塞疼，脉虚大者。

天冬一钱，去心，麦冬一钱，去心，生地一钱，熟

① 丹：原缺，据上海大成书局印本补。